



Hapšenje na osnovu potjernice Suda BiH od 15. septembra 2016.

Uhapšen Anes Kurbegović

Pripadnici **Državne agencije za istrage i zaštitu** su 2. avgusta, na području Sarajeva, slobode lišili jednu od osoba osuđenih u predmetu Lutka, saopšteno je jučer iz **SIPA**. Nezvanično saznajemo da je uhapšen Anes Kurbegović.

“U prethodnom periodu, **SIPA** je poduzela niz operativno-taktičkih mjera i radnji, koje su rezultirale lociranjem i lišenjem slobode jedne osobe, koja je predata u dalju nadležnost Suda”, saopšteno je iz **SIPA**.

Podsjetimo, Sud je 15. septembra prošle godine raspisao međunarodnu potjernicu za Anesom

Kurbegovićem, koji se nije pojavio na izricanju presude, kojom je nepravosnažno osuđen na 15 godina zatvora. Pretpostavljalo se da je Kurbegović tada, najvjerovatnije, pobjegao izvan granica BiH, no, čim se vratio u Sarajevo, **SIPA** ga je uhapsila. Kurbegoviću je, nakon izricanja presude 14. septembra 2016, određen pritvor zbog opasnosti od bjekstva. Međutim, on nakon toga nije pronađen na adresi na kojoj ima prijavljeno prebivalište.

Za Davorom Elezom je raspisana crvena Interpolova potjernica.

D. P.